



Kosningabæklingur 1938

Bjarni Benediktsson – Stjórnsmál – Sjálfstæðisflokkurinn – Kosningarbæklingur – Bæklingur - 1938

Tekið af vef Borgarskjalasafnsins


bjarnibenediktsson.is

Einkaskjalasafn nr. 360
Stjórnsmálamaðurinn
Askja 2-3, Örk 1

©Borgarskjalasafn Reykjavíkur


REYKJAVÍK

UNDIR STJÓRN SJÁLFSTÆÐIS MANNA



Hér lét hann byggja Íslands fyrsti faðir
á frjálsri tíð með heimild eigin valds.
— Nú skipast ættmenn Ingólfss þétt í raðir
á ysta síðsta þremi tjóns og falls.
Hér verður haldið hæsta landsins merki
og hér skal falla utanstraumsins hrönn.
Vor fremsti bær skal fremstur standa í verki
með Fróni er Víkin dygg og trygg og sönn.



E. B.



Reykjavík um 1930.

Frá upphafi hefir Reykjavík verið undir stjórn þeirra manna, sem hafa aðhyllst stefnu Sjálfstæðisflokkssins. Andstæðingarnir hafa því reynt að telja mönnum trú um, að bænum hafi altaf verið að fara aftur! Sannleikurinn er þó sá, að hér hefir vaxtarbroddur þjóðfélagsins verið. Hingað hefir fólkið viljað safnast, hér hafa lífsskilyrðin verið best og hingað til Reykjavíkur hefir ríkið jafnan orðið að leita, þegar óstjórn og úrræðaleysi valdhafanna hefir verið að sigla öllu í strand. Reykjavík, vöxtur hennar og viðgangur er verk Sjálfstæðismanna!

Reykjavík um 1860.




Í nýju höfninni.


Styrkasta stoð framfaranna í Reykjavík er höfnin. Þó að hér þætti sæmilegt skipalægi, þá kom þó þegar í ljós, er útgerð og samgöngur fóru að aukast, að hér varð að gera nýtízku höfn. Sjálfstæðismenn í bæjarstjórn og hafnarstjórn hafa síðan bygt upp þessa höfn og halda því stöðugt áfram. Í henni er nú meira fé, en nokkru öðru einu fyrirtæki á landinu, en svo vel hefir verið á öllu haldið, að höfnin hefir getað bygt sig sjálf, án þess að verða bænum til þyngsلا. Meira að segja hefir hagur hafnarinnar leyft það, að léttu byrðar útgerðarinnar á síðustu árum.

Gamla höfnin.






Boranir eftir heitu vatni.



Austurbæjarskólinn.



Vatnsgeymirinn á Rauðarárholti.



Verkamannabústaðir.

Hitaveitan er megin áhugamál allra Reykvinga og eru Sjálfstæðismenn nú búnir að koma því mál svo, að þetta verk verður hafið þegar vorar. Auk þess að þetta verk mun veita geysilega atvinnu, mun sjálf hitaveitan breyta bænum og öllum lífsskilyrðum þar meira en nokkuð annað. Sogsvirkjunin og hitaveitan, þessi tvö stórmál Sjálfstæðismanna, gera Reykjavík að einni mestu nýtizkuborg heimsins.

*

Í bæ, sem vex eins hratt og Reykjavík, er erfitt að hafa undan að reisa nægilega **rúmgöð barnaskólahús**. Barnaskólahúsið, sem Sjálfstæðismenn létu reisa í Austurbænum, er eitt af stærstu húsum á landinu og ágætlega útbúið. Meðal annars er þar sundlaug, sem mikið er notuð.

*

Vatnsveitan er sennilega besta eignin, sem Reykjavík hefir nokkru sinni eignast. Í stað ónógs vatns úr miður hollum vatnsbólum, sem orsakaði hvað eftir annað taugaveikisfaraldur í bænum, fengu Reykvingar inn í hús sín eins mikið og hver vildi af einhverju ljúffengasta og heilnæmasta vatni, sem til er í veroldinni. Vatnið í Reykjavík er rómað viða um lönd af gestum, sem hingað hafa komið.

*

Eitt af því, sem andstæðingar Sjálfstæðismanna eigna sér hér í bænum eru **verkamannabústaðirnir**. Að vísu vita Sjálfstæðismenn, að þetta vanda-mál mátti leysa á heppilegri hátt, en þeir hafa með góðri stjórn sinni á bænum gert mögulegt að reisa hina miklu verkamannabústaði hér, í stað þess að sözialistastjórnin á Ísafirði getur ekkert sýnt í þessu málí annað en eina grjóthrúgu!

*

Kolareykurinn yfir bænum, sem hefir spilt heilsu bæjarbúa og hreinlæti, hverfur, þegar hitaveitan kemur.


*

Eitt af stærstu húsum á landinu er nú að risa hér á hafnarbakkanum. Það er hið mikla vörugeymsluhús **bæjarins**. Þetta mikla stórhýsi, sem þegar er komið í notkun, en vex stöðugt, er eins og tákna bess gróanda, sem einkenir pennan bæ og stafar af því, að honum hefir verið stjórnað af öruggum meirihluta Sjálfstæðismanna.


*



Reykskýi yfir bænum sem á að hverfa.




Hafnarhúsið.




Smágarðahverfi.




Gasstöðin.




Sogsstöðin.



Elliðaárstöðin.



Iþróttasvæðið við Öskjuhlíð.



Gatnagerð.

Sogsvirkjunin er stærsta fyrirtæki, sem ráðist hefir verið í á Íslandi. Svo vel var þetta risafyrtæki undirbúið af Sjálfstæðismönnum, að verkinu var lokið nákvæmlega á tilsettum tíma og fyrir umsamið verð. Þessi mikla virkjun mun setja nýjan svip á lífið í bænum, jafnframt því að frá Ljósafossi mun ljós og hiti og vinnuafl breiðast út um stóran part landsins.

*

Frá rafmagnsstöðinni við Elliðaárnar hefir Reykjavík númerum hálfan annan tug ára fengið rafmagn til ljósa, iðnaðar og hitunar eftir því sem enst hefir. Vegna þess að Sjálfstæðismenn létu reisa og starfrækja þessa stöð, var allt undir hina stærri virkjun búið, jafnframt því að stöðin hefir borgað sig. Án Elliðaárstöðvarinnar væri Sogsvirkjunin óhugsandi.

*

Sjálfstæðisflokkurinn hefir ávalt skilið þörfina á því, að efla og styðja íþróttalifið í landinu og hér í bænum og hlynna með því að likamlegri og andlegri heilbrigði þjóðarinnar. Í náni við Reykjavík hefir nú verið ákvædinn staður fyrir fullkomíð íþróttasvæði, þar sem hægt verður að iðka allar íþróttir á landi og sjó.

*

Eitthvert dýrasta og erfiðasta verkefni bæjarins er gatnagerðin. Millj. króna eru komnar í þetta verk og milljónir króna er eftir að setja í það. Fátt setur meiri menningabrag á bænn en hinari nýju og vönduðu götur.

Eftir því sem bærinn stækkar eykst þörfin á rúmgóðum og velgerðum barnaleikvöllum. — Sjálfstæðismenn hafa aukið fjárframlög bæjarins í pessu skyni og munu halda því áfram eftir því sem þörfin krefur.

*


Heitu uppsprettturnar, sem bærinn dregur nafn sitt af, hafa á ýmsan hátt verið teknar til notkunar. Þar er nú vel útbúinn útibaðstaður, og þaðan hefir verið sótt vatn í hitaveitu bæjarins. En þessi hitaveita hefir verið ómetanleg tilraunastarfsemi, sem tryggir gagnsemi hins mikla fyrirtækis, sem Sjálfstæðismenn eru nú að hrinda í framkvæmd.

*


Einn af kostunum við að hafa heitt vatn í náni Reykjavíkur og jafnframt svo góða stjórn á bænum að hægt sé að notfæra sér það, er sá, að allir Reykvikinger eiga nú kost á að nota sér sundlaugar allan ársins hrинг undir þaki, í einni af fegurstu sundhöllum, sem til eru. Gagn og ánægja þessarar stofnunar verður seint fullmetið.

*


Bærinn er nú orðinn svo mikill ummáls, að börnin í úthverfum geta ekki sótt skólana inni í bænum. Sjálfstæðismenn hafa séð fyrir pessum þörfum með því að reisa gott og vandað barnaskólahús í Laugarneshverfi og annað er í undirbúningi í Skildinganesi.




Barnaleikvöllurinn við Lækjargötu.



Sundlaugarnar.




Sundhöllin.



Laugarnesskólinn.

YFIRLIT YFIR FJÁRHAG REYKJAVÍKUR.



Mynd þessi sýnir í glöggum dráttum fjártjórn Reykjavíkur.

1. Skuldlaus eign hefir aukist síðan 1921 úr liðl. $5\frac{1}{2}$ millj. í 19 millj.
2. Skuldir á hvern íbúa hafa lækkað á sama tíma úr 518 kr. niður í liðl. 250 krónur.